

## ՀԱՇՎԵՏՎՈՒԹՅՈՒՆ

### **Վայոց ձորի մարզպետարանի աշխատակազմի կրթության, մշակույթի և սպորտի վարչության 2014թ. 1-ին կիսամյակի գործունեության**

Մարզում գործում է 50 հանրակրթական դպրոց, այդ թվում 15 հիմնական և 35 միջնակարգ, որոնցից 2-ը վարժարան, 3-ը ավագ դպրոց ՀՀ ԿԳ նախարարության ենթակայությամբ: 5 դպրոցներ գտնվում են սահմանամերձ գյուղերում, 5-ը՝ բարձր լեռնային բնակավայրերում:

Մարզային ենթակայությամբ գործող 47 դպրոցներում սովորում է 5876 աշակերտ, որոնք կոմպլեկտավորված են 473 դասարաններում: Մարզի սահմանափակ կարողություններ ունեցող 47 դպրոցահասակ երեխաներ ներառական կրթության ծրագրով ընդգրկված են Եղեգնաձորի թիվ 2 և Վայքի հիմնական դպրոցներում, որտեղ ստեղծված են անհրաժեշտ պայմաններ այդ երեխաների կրթական կարիքներն ապահովելու համար: Համայնքների ղեկավարների, մարզի վիճակագրական ծառայության և ԶԱԳՍ-ի բաժինների հետ համագործակցելով իրականացվում է դպրոցահասակ տարիքի երեխաների հաշվառումը, ինչի արդյունքում մարզում հանրակրթությունից դուրս մնացած երեխաներ չկան:

Մարզային ենթակայության 47 դպրոցներում աշխատում են 940 ուսուցիչներ, որոնցից 752-ը ունեն բարձրագույն մանկավարժական, կամ բարձրագույն կրթություն (80%-ը), մնացած 188-ը՝ միջնակարգ մասնագիտական:

Ուսուցիչ - աշակերտ հարաբերակցությունը կազմում է 6,5:

Դասարանի միջին խտությունը 12,5 - է:

Ուսուցչի միջին ծանրաբեռնվածությունը կազմում է շաբաթական 16,1 ժամ:

Բոլոր դպրոցներն ապահովված են համակարգիչներով, որոնք օգտվում են ինտերնետ կապից:

Տարբեր առարկաների գծով վերապատրաստվել և ատեստավորվել են 186 ուսուցիչներ: Մարզի հանրակրթական բոլոր դպրոցներում հաջողությամբ ներդրվել է շախմատի ուսուցումը: Այդ նպատակով բոլոր դպրոցներն ապահովվել են անհրաժեշտ գույքով:

Արդյունավետ գործել են դպրոցների կառավարման խորհուրդները, որոնց անվանական կազմը 2012թ. հոկտեմբերի 12-ին հաստատվել է Վայոց ձորի մարզպետի որոշմամբ:

Ապահովված է դպրոցական շենքերի պահպանությունը: Ընթացքի մեջ է Արտաբույնքի դպրոցական շենքի մասնակի վերանորոգումը, որի ընդհանուր գումարը կկազմի շուրջ 40 մլն. դրամ:

Ամբողջությամբ լուծված է աշակերտների դասագրքերով ապահովվածության խնդիրը, որոնց վարձավճարները հավաքագրվել են 98 տոկոսով:

Դպրոցներում ներդրվել է <Կայուն դպրոցական սնունդ> ծրագիրը, որի արդյունքում սնունդ են ստանում տարրական դասարանների շուրջ 2400 աշակերտ:

Օլիմպիադայի մարզային փուլին մասնակցել են շուրջ 780 աշակերտ, որոնցից 42-ը մասնակցել են հանրապետական փուլին: Նրանցից 7-ը պարգևատրվել են գովասանագրերով և դիպլոմներով:

Աշխատանքներ են տարվում դպրոցական գույքը թարմացնելու, ժամանակակից լաբորատոր սարքավորումներ ձեռք բերելու ուղղությամբ: <Հայաստան> համահայկական հիմնադրամի օժանդակությամբ մարզի դպրոցներին կհատկացվի մոտ 370 համակարգիչ տալիքների հետ միասին:

Մարզում գործում է համայնքային ենթակայության 17 մանկապարտեզ, որոնցում ընդգրկված են 805 երեխաներ: Ցավոք մի շարք համայնքներում չկան նախադպրոցական հիմնարկներ, ինչի հետևանքով այդ համայնքներում անլուծելի է մնում նախադպրոցական կրթության, որպես միջնակարգ կրթության նախապատրաստման կարևորագույն օղակի, խնդիրը:

Մարզի 23 համայնքներում բացվել են նախակրթարաններ, որոնցից 14-ը հանրակրթական դպրոցներում: Դպրոցներում գործող նախակրթարաններում ընդգրկվել են 4-5 տարեկան 161 երեխաներ 14 խմբով:

Գործում են մարզային և համայնքային ենթակայության 46 գրադարան, 31 մշակույթի տուն, 3 արվեստի, 1 գեղարվեստի և 2 երաժշտական դպրոց, 2 թանգարան և 2 մանկական ստեղծագործական կենտրոններ, պատկերասրահի 2 մասնաճյուղ:

Մարզկենտրոն Եղեգնաձոր քաղաքում գործում է մարզային ենթակայության մշակույթի տուն, երաժշտական դպրոց և երկրագիտական թանգարան: Մարզի մշակութային և ստեղծագործական կոլեկտիվները հաջողությամբ մասնակցում են հանրապետական և մարզային մշակութային փառատոններին, մրցույթներին:

Մարզի մշակութային կյանքին աշխուժություն է հաղորդում տուրիզմի զարգացման արդեն զգացվող միտումները, որին մեծապես նպաստում են մարզի տարածքում առկա պատմամշակութային արժեք ներկայացնող վանական և եկեղեցական համալիրները, որոնց պահպանության համար ձեռնարկված են բոլոր անհրաժեշտ միջոցները:

Մշակութային կյանքից ետ չի մնում սպորտն ու երիտասարդության հետ տարվող աշխատանքները: Տարվա ընթացքում կազմակերպվել են սպորտային տարբեր միջոցառումներ, որոնց մասնակցում են մարզի բոլոր համայնքների ներկայացուցիչները:

Համայնքային ենթակայությամբ գործում են 3 մարզադպրոցներ և մշակույթի նախարարության ենթակայությամբ երիտասարդական կենտրոն: Մարզի 3 քաղաքներում գործում են Հայաստանի Շախմատի ակադեմիայի մասնաճյուղեր:

Մարզկենտրոնն Եղեգնաձոր քաղաքում գործում է լողավազան, որը հրաշալի նվեր է մարզի պատանիների ու երիտասարդների համար:

Հանրապետական և միջազգային մրցումներում թեև համեստ են մարզի նվաճումները, սակայն զգացվում է դրանք զարգանալու ակնհայտ միտումներ: